



اسمي مالوا قصة ، جدي كان اسمو خليل لهيك سموني ع اسمو ،،،

بس بالمخابرات الجوية كان الي اسم تاني ، 1220 ، لأنو ممنوع نقول اسماءنا.

بس في شب صغير جابوه لعنا جديد لسا ما كان بيعرف انو ممنوع يقلبي اسمو، اسمو (عبد القادر الناصر) ، كان شب صغير بيدرس طب سنة تانية بجامعة القلمون ، جابوه بالـ 2013 هو ورفقاته لأنو كانوا عاملين اعتصام، كان خايف كتير ،،، قلتو لا تخاف هلاً بدن يجو ياخدوك يضربوك شوي و يجبروك تعترف ، لا تجائز و اعترف بسرعه لتخفف تعذيبك ، صبور شوي وكلشي بيمرق.

غاب ساعتين و رجعوه لأنو ما لحقو دور عالتحقيق ، رشو عليه مي باردة و رجعوه عالغرفة ، كانت الدنيا شتاء و برد كتير ، و كان عم يرجف ، سطحناه عالأرض وصرنا نفركلو جسمو ، إيديه ورجليه وراسو ،،، مافي فايدة ،،، ضل عم يرجف.

دقيت الباب اجي السجان قلتو هاد عم يرجف لح يوقف قلبو ، دخيلك عطينا بطاريه نغطيه فيها ، قلي يا ابن الـ ** اذا بتدق الباب مرة تانيه بدي اقتلك انته وإياب ، الولد بعد كم ساعه بطل يرجف ، بس صار يشحقق ، و كل ساعه تخف الشهقة ، و بلاش شفافيف يزرقو ، انا هون ماعاد استحملت ، قمت و دقيت الباب ، قلتو دخيلك حيموت الولد ، قام فتح الباب ، فرحت ،،، فكرت حيساعدوا ، قام سحبني لبرا و ضربني عرجلبي 50 كبل ، مو كبل، ماسورة بلاستيك تبع التميديدات الصحية ، رجعت

زحف عالزنزانه و الدم عم ينفر من رجليّي ، بعد كم ساعه مات عبد القادر ، دقوا الباب الشباب و قالولو للسجان انو مات الولد ، قام راح جاب بطانيه و رماها علينا ، قلنا لفوه وحطوه بالكاريدور جنب الحمامات، (مع جثث رفقاتو)، المجرم ما جبلو البطانية هو عايش ، جبلو ياهما بعد ما مات ليتكفّن فيها.

بس مو هون الوجع ، الوجع انو بعد أربع شهور اتحولت عسجن عدرا ، وهنيك لقيت واحد عم يسأل عن ابن خالتو عبدالقادر الناصر ، من عمرو و شكلو عرفت انو هو ، حكيتلو القصه ومشيت ، بعد أسبوع بيجيني زيارة عالشبك ، قريت عالورقه اسم بنت او مرا ما بعرف ، طلعت عالشبك لقيت سرت مرتبه ومقدّرة ، قاتلى: أنت خليل السيد ، قاتلها: ايه مين حضرتك؟

قالتلي أنا أمي لعبد القادر الناصر ، صارو دموعي يشروا بدون ما حس ، ابكي بدون صوت، و هي تقليل احكي شو صار لإبني ، حكيتلها ، و تسألي انته متأكد انو ابني؟ ، قلتلها ابنك بيدرس طب سنه تانيه؟ قالتلي صح ، قلتلها انتو بيتكن بالمزء؟ قالتلي صح ، قلتلها ابوه دكتور و عندو عيادة بالميسات؟ قالتلي صح ، قلتلها والله يا اختي هو ، مات عرجلي.

داخت الأم ... و انا رجعوني عالتحقيق بالمفرزة بعدرا ، قال كيف بقلّها انو ابنها مات!

اسمي مو مهم ، بس اسم عبد القادر مهم ، هاد اللي ما لازم ينتسى .

الله ما ينسى ، الله يرحمك يا عبد القادر

المصادر: